

## 10 ASO TALOSAGA – 2018

### Aso Valu\_8

## O le Urima ma le Tumema

O lenei, 'ia fa'aeteete 'outou 'ina 'ia 'outou sāvavali ma le fa'autauta, 'aia ne'i fa'apei o ē vālelea, a 'ia fa'apei o ē popoto; Mata 10.16; Kolo 4.5 16'ia fa'aaogāina e 'outou aso o lenei olaga, auā o ona po nei 'ua leaga. 17O lenei, 'aia ne'i fa'avalea 'outou, a 'ia 'outou iloa le finagalo o le Ali'i. (Efeso 5:15-17)

Sa tuuina le Urima ma le Tumema i tauau o le Osi Taulaga Sili ina ia faailoa ai le finagalo o le Atua mo ona tagata. O se mea alagatau lo tatou malamalama i le galuega a Keriso o lo o fai ai Ia mo tatou sui, ma Lona finagalao mo i tatou i le asō.

O tagata taitasi uma e gafa lava ma lona faaolaina po o lona faafanoga. E tofu fo'i tatou ma le moliaga o lo o faatalitali i le faamasinoga a le Atua. E taitoatasi ma fesaga'i ma le faamsino sili. O lea e tatau ai i soo se finagalo ona manatunatu so'o i se vaaiga ta'ua ina ua nofoia le faamasinoga ma ua tatala tusi, ona faimai lea o Tanielu, e tatau i tagata ta'itasi ona tu mai lona lava tofi, i le i'uga o aso. (*Evangelism* p. 222)

I mea ninii ma mea tetele o le olaga, o le fesili muamua e ao ona fesiligia, "O le a le finagalo o le Atua?" "O le usita'i e sili i lō le taulaga, ma le faalogo e sili i lō le ga'o o le mamoe po'a." O lo o valaau Keriso i Lana fanau ina ia lia'i-atoa-ese-ma-a'a le manatu faapito, matape'ape'a, ma mea lē mamā uma mai ia i latou. "O lo o valaau mai "Omai ia ia te A'u, ona ou auvatu lea o le malologa." Ia outou faalologo ma faatino A'u a'oa'oga. Ia tu'u uma atu atoa o outou loto i Lo'u finagalo ma o outou ala i O'u ala. Ia tasi lo outou ola ma Lo'u nei ola." Ona mautinoa ai lea o lo outou maua o le 'oa e o'o atu ai i le ola e faavavau. (*Signs of the Times*, Feb. 19, 1902, par. 13)

O le ā le finagalo o le Atua? O le a se mea ou te faia e viia ai le Atua? Ou te tautino e auauna atu i lo'u Faaola ma le alofa e lē vaeluaina. Ua ou faitau faalēaogāina mea uma o ni otaota ina ia ou maua Keriso. O le tau o mea uma lava le lagi ma le ola e faavavau ia te a'u aua na maliu Keriso ina ia ou maua le tau atoa o le mamalu.... (*That I May Know Him*, p. 203)

O le malosi e faaalu e momotu ai se masaniga leaga ua o se galuega faatama tane moni lea. O le finagalo o le Atua le tatau ona tatou naunau e siitia i tatou i le faataūaina o le olaga mamā, maua le malosi faaleagaga, ma tapu'e le malosi e sao ai le amio e ala i le faagaioi i taimi uma o agava'a ua foa'i mai e le Atua ia i tatou. E iai le oliolisaga i agelu

## 10 ASO TALOSAGA – 2018

### Aso Valu\_8

o lo o auai ma i tatou, pe a o’o ina ua filifili talavou ia maua le manumalo e ala i le suafa o Iesu Keriso. (*Youth Instructor*, Nov. 12, 1896, par. 6)

O Iā Paulo: “O le finagalo fo’i lenei o le Atua, ‘ia fa’apa’iaina ‘outou.” 1 Tesalonia 4:3. O le faapaiaina o le ekalesia o se ūte lea o faigamea a le Atua ma ona tagata. Sa Ia filifilia i latou mai le vavau, ina ia paia i latou. Sa Ia auina mai Lona Alo e maliu mo i latou ina ia faapaiaina ai i latou e ala i le usita’i atu i le upu moni, ina ia matua aveesea ai meaninii uma o lo o tu’inanau i ai. O le manaoga o le Atua mo i latou le faatino o lea galuega e ala i le tuuina atu atoa o i latou. E mafai ona viia le Atua e i latou o lo o faimai e talitonu ia te Ia, pe afai lenā e liua i latou i Ona foliga ma pulea e le Agaga Paia. Ona avea lea o i latou ma molimau mo le Faaola e ala i lo latou faailoa atu o le mea ua faia e le alofa tunoa faalelagi mo i latou. (*The Acts of the Apostles*, p. 559)

“O le finagalo fo’i lenei o le Atua, ‘ia fa’apa’iaina ‘outou.” E le o lea fo’i lou loto? Atonu e pei au agasala i ou luma o se mauga; ae peita’i afai e te faamaulalo lou loto ma faaali au agasala, ma faatuatua i galuega o le Faaola na faasatauroina ma toe tu mai, o le a Ia faamagalo ma faamama oe mai i au amioletonu uma. E finagalo le Atua e tatou te usita’i atoa i le tulafono. O le tulafono lenei o se i’u leo o Lona si’ufofoga o lo o faapea mai, e Paia, Ioe, ia paia pea. Ia naunau atu i le atoatoa o le alofa tunoa o Keriso. Ia faataga lou loto e faatumu e le faananau o le mana’o mo Lana amiotonu. O le filemu ua gaganaina e le upu a le Atua, ae o lona malosiaga e mautinoa e faavavau. (*The Acts of the Apostles*, p. 566)

O lenei, ‘āfai o ‘iā Keriso se tasi, o le tagata fou ia; ‘ua mavae le ola tuai, fa’auta, ‘ua o’o mai le ola fou. (2 Korinito 5:17)

Ua lava le tapenaina o le fesoasoani ina ia mafai ai e tagata o le Atua ona maua le atoatoa o le amio. Faimai le Aposetolo o Paulo, “O le finagalo fo’i lenei o le Atua, ‘ia fa’apa’iaina ‘outou.” Ia tōina mai e tagata taitasi uma le malosi mai le puna o le malosiaga o le amioatua ma le tofā manino, ina ia mafai ai ona tino mai ai galuega o le amiotonu. Ua uma ona faaupegaina vaega uma e mafai ai e le tagata ona toe sosoo mafutaga ma isi faapea Keriso e ala i le satauro o Kalevario. Ua faimai le Tama, e alofa o Ia ia i latou e talitonu na maliu Keriso mo i latou, e pei ona alofa fo’i i Lona Alo pele e toatasi. O le satauro o Keriso o le mautinoaga e tatou te atoatoa ia te Ia. “Auā ‘ua fa’apea lava ‘ona alofa mai o le Atua i le lalolagi ‘ua ia ‘aumai ai lona Atali’i e to’atasi, ‘ina ‘ia lē fano se tasi o ē fa’atuatua ‘iā te ia, a ‘ia maua e ia le ola e fa’avavau.” E ia Keriso le

## 10 ASO TALOSAGA – 2018

### Aso Valu\_8

atoatoa, e ia te Ia le tofā manino silisili ma le amio e atoa lona lelei. (*Review and Herald*, Nov. 30, 1897, par. 9)

Ua ofoina mai e le Atua le isi ona aao, o le faatuatua lea, ia taofi mau Lona aao malosi, o le isi Ona aao, o le alofa lea, ia aapa atu ai i agaga a fano. O Keriso le ala, upu moni ma le ola. Ia mulimuli atu ia te Ia. Ia savali i lā le Agaga ae lē o le tino. Savali e pei ona savali o Ia. O le finagalo lenei o le Atua, ia outou ola faapaiaina. O lau galuega faatino o le faia lea o le finagalo o Lē na te faatumauina lou ola mo Lona viiga. Afai e te galue mo oe lava, e leai sau faasiliga e maua. Ae afai e te galue mo le manuia o isi, ma faaititia lou manatu ia te oe lava ia ae pulunaunau e tu'u atu uma oe i le Atua, o le a talia e Ia ma tau mai oe i le tamaoaiga o lona alofa tunoa. (*Testimonies for the Church*, vol. 2, p.170)